



## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Exemptio.

**urn:nbn:de:hbz:466:1-10421**

das, quam circumstantiam requirere debeat Episcopus, vide Selvam *loc. cit.*

Decimoquarto, Ecclesia dum cedit, seu donat bona, quæ eo ipso, quod cedit, acquirit, non requiratur in hoc assensus Apostolicus, in ipsa donatione, & cessatione, vide Vinc. de Franch. *decis. 14. num. 9. 16. 19.*

Decimoquinto, Ecclesia ratione feudiquod habet, habetur loco laici. Afflict. *decis. 361. num. 11.*

Decimosexto, Ecclesiæ quando legatur, utitur legibus civilibus in materia evictionis, vide Abb. *in c. fin. num. 4. de emp. & vendit. & quando habeat jurisdictionem in laicos, vide eundem in c. ficut. & infra. n. 1. de iure iur.*

Decimoseptimo, Ecclesia rem in feudum sibi datam non potest alienare, nisi in feudando, Her. *in c. qual. vasa. iur. deb. fidel. nu. 5.*

Decimo octavo, Ecclesia non debet consecrari sine reliquiis Sanctorum, ita in Synodo generali, *actio. 7. can. 7.*

Decimonono, Ecclesia tunc dicitur ad aliquem spectare pleno jure, quando in ea Episcopus nullum jus Episcopale exercet, & ideo presentatio, institutio, & destitutio pertinet ad eum qui eam habet pleno jure, Abb. & Innoc. *in c. cum inter. numero 2. tunc pleno jure quis habet Ecclesiam, quando omnia Episcopalia habet, ibi. de sent. & rejudic.*

Vigesimo, an Ecclesia unita perdat privilegia, & statuta; quid de Ecclesia translata: Vide Rebuff. *de transl. Epif. nu. 11. nisi privilegia, gratiæ, & statuta concedantur etiam cum translatio-*

ne, prout dicam in verb. *indulgentia, §. 8.*

## EXEMPTIO.

PRimo, optimè providit more suo sac. Conc. Trid. *sess. 24. ca. 11. de reform. circa exemptos, qui magnæ solent esse locorum Ordinariis perturbationi, prout cap. cum persona, de privil. li. 6. & statuit primo, ut Protonotarii, quàm Comites Palatini, vel aliis titulis honorariis, subjacerent locorum Ordinariis jurisdictioni, tanquam Sedis Apostolicæ delegatorum.*

Secundo, quoad Capellanos regios, dicit observari *capit. cum capella, de privi. leg. ubi habetur, quod dum actu serviunt, sunt exempti à jurisdictione prædicta: tamen ratione beneficiorum, quæ obtinent extra dictam capellam, coercionem & jurisdictionem memoratæ subsint. Innocent. in d. cap. cum capella, nu. 2. & in c. recepimus, n. 1. eod. tit. facit quod officiales regii gaudent privilegio exemptionis, dum assistunt servitiis regii, ita Afflict. in *constit. magna Curia, notab. 4. numer. 4.**

Tertio, servientes Ecclesiis, militiis, seu domibus quarumcunque militiarum, gaudere etiam vult exemptione prædicta, modò habeant has circumstantias. Primam, ut actu serviant, Secundam, ut intra earum septa ac domos resideant. Tertiam, ut sub earum obedientia vivant. Quartam, ut professionem earum militiarum faciant, de quibus constare debeat Ordinario, *c. porro de privi. leg. gl. in cap. cum capella, in vers. in quan-*



nam, hoc idem confirmatur à Greg. XIII. Bulla 68. fol. 1295. idem censuit sac. Congreg. declarat. 169. & ita fuit obtentum in facto Romæ, & Neap. in causa presbyterorum servientium cuidam parochiali S. Joannis Hierosolymicani terræ Pulcini, Comzanæ diocesis, qui prætendebant exemptionem à jurisdictione Archiepiscopi, dum ibi essent Vicarius, & tulerunt sententiam contra se.

Quartò, quoad familiares Cardinalium, vel residentium in Romana Curia, vult, ut ratione beneficiorum, quæ obtinent in aliqua diocesi, subjaceant jurisdictioni illius Ordinarii, imò exempti omnes, quoad ea quæ pertinent ad beneficia, quæ possident, sunt subjeti Episcopis, & ratione illorum eidem subjacent. Navar. consi. 9. de iur. cur.

Quintò, quoad subcollectores, modò pro concordantia spoliatorum facta cum sanctissimo Papa Sixto, sublatis sunt, nec gaudere vult summus Pontif. eos exemptione, prout multoties scriptum fuit à Reverendissimo majori Thesaurario, de mente Domini Papæ Reverendissimo Domino Nuncio Neapolitano, ut ipse vidi, & audiui; vide Boer. decis. 17. ubi habes, quinam dicantur Capillani Papæ, Regis, & Reginae, ad hoc, ut gaudeant vel exemptione, vel perceptione fructuum in absentia. Præterea Ordinarius potest punire delegatum Principis, delinquentem in suo territorio, Boer. decis. 9. numero 5. & iudex minor potest punire officialem Iudicis majoris, dum tamen ei hoc norum faciat; idem ibi,

numero 6. vide Caputaquens. decisio. 139. p. 2. nu. 5.

Sextò, Ecclesia exempta non potest renunciare suo privilegio libertatis, Abb. in c. cum tempore, num. 2. § 7. de arbit.

Septimò, quomodis exempti sint subditi locorum Ordinariis, vide Abb. in Clem. unic. num. 5. de foro comp. licet remissivè, & Innoc. in c. cum capella, nu. 2. de privileg. dat regulam universalem, quòd persona exempta, ratione rei non exempta, subjacet jurisdictioni Ordinarii, & citat porrò c. quoniam ad hoc, de privileg. & Leo X. Bulla 8. quæ incipit, Regimini.

Octavò, an in loco exempto possit Episcopus exercere jurisdictionem, etiam si sit intra suam diocesim, videtur quod non, prout in cap. cum Episcopus, & ibi Glor. in ver. non exempto, & Gemmin. ver. sed quid si Episcopus, de offi. ordin. lib. 6. secus si Episcopus haberet jurisdictionem in personam exemptam existentem in dicto loco exempto, puta, in causa hæresis, & aliis, prout dictum est in ver. excommunicatio, de causa materiali, dubio quarto, licet hoc nec placeat Joan. Andr. ut ibi innuit Gem. nam, operer, ut convertant duo, nempe jurisdictione in personam, & in locum, alias non possit.

### EPISCOPUS.

PRIMO, videmulta in ver. Vicarius, hic verò tantummodo magis practicabilia attingam, & primò, Episcopus potest appellare, sine mandato specialitè pro